



Por un ano máis as praias de Ladeira e a Concheira de Baiona teñen unha [cualificación sanitaria deficiente](#) por parte da Consellaría de Sanidade da Xunta de Galicia. Segundo os [datos da Dirección de Xeral de Innovación e Xestión da Saúde Pública](#) a 18 de xuño, as concentracións de coliformes fecais nas súas augas están por riba dos mínimos admitidos para zonas de baño segundo o Real Decreto 1341/2007 que rexe a xestión da calidade da auga no Estado español. A mesma normativa ordena a prohibición de baños nas praias co devandito cualificativo.

A contaminación destas augas, e no caso especial d'A Ladeira, non é alleo á situación denunciada pola asociación [Salvemos Monteferro](#) de defensa medioambiental, quen iniciou en 2011 o trámite de [denuncia ante o Parlamento Europeo](#) dada a nula efectividade dos órganos xudiciais españois nas reiteradas denuncias que acumula este enclave. Denuncia que foi admitida a trámite en febreiro deste ano e que está en mans do Consello da Unión Europea.

A última revisión de datos e tomas de mostras tivo lugar o pasado luns 18 de xuño, a segunda das realizadas en 2012. Segundo Sanidade, na Praia Ladeira a concentración de *Enterococo* intestinais situouse nas 140 u.f.c./100ml, e as de *Escherichia coli* (directamente relacionada coa materia fecal), en 880 u.f.c./100ml, dando lugar á cualificación

sanitaria de "Insuficiente" e "Auga non apta para baño", segundo o R.D. 1341/2007.

Aínda que con valores máis baixos, o resultado da análise microbiolóxica efectuado por Sanidade arroxa iguais consecuencias para a popular Praia d'A Concheira. O rexistro marcou
Enterococo intestinal
: 15 u.f.c./100ml e
Escherichia coli
: 58 u.f.c./100ml.

Unha vez constatada a situación de insuficiencia das augas, o R.D. 1341/2007 esixe ás autoridades competentes unha serie de medidas que inclúen **a prohibición do baño ou a recomendación de absterse do mesmo**, co fin de evitar a exposición dos bañistas á contaminación. Así como o **deber de informar ao público das causas da contaminación e as medidas de xestión adoptadas** para previr, reducir ou eliminar as causas da contaminación.

Este informe volve a deixar en evidencia ás [declaracións do rexedor baionés do pasado 25 de maio](#) a tenor do informe da Axencia Europea de Mediambiente que apuntaba tamen na mesma liña que os datos do informe de Sanidade. Daquela, Jesús Almuiña aseguraba que *"Las aguas de las playas baionesas están limpias y son aptas para el baño, si bien, algunos arenales no alcanzan la excelencia que les permitiría optar a la bandera azul"* engadindo que a calidade destas augas era *"buena y apta para el baño"*.